

INFORMACIJA
o kretanju makroekonomskih pokazatelja
za januar/siječanj 2025. godine

Sadržaj

Uvod.....	3
1. Realni sektor.....	7
<i>Kretanje industrijske proizvodnje.....</i>	7
<i>Maloprodaja.....</i>	8
<i>Građevinarstvo.....</i>	9
<i>Tržište rada.....</i>	10
2. Javne finansije.....	13
<i>Indirektni porezi u Bosni i Hercegovini.....</i>	13
<i>Prihodi od direktnih poreza, doprinosa i neporeskih prihoda</i>	14
3. Cijene, monetarni i finansijski sektor.....	16
<i>Cijene.....</i>	16
<i>Monetarni sektor.....</i>	18
<i>Bankarski sektor.....</i>	18
<i>Berze u Bosni i Hercegovini.....</i>	18
4. Vanjski sektor.....	20
<i>Vanjskotrgovinska robna razmjena.....</i>	20
5. Strana direktna ulaganja.....	22

Uvod

Vijeće ministara Bosne i Hercegovine je na 79. sjednici održanoj 05.03.2009. godine razmotrilo i usvojilo Prijedlog mjera iz nadležnosti Vijeća ministara Bosne i Hercegovine za ublažavanje uticaja globalne ekonomske krize na privredu Bosne i Hercegovine. Direkcija za ekonomsko planiranje je zadužena da u vezi sa navedenim prati kretanje makroekonomskih pokazatelja i da izvještaj o kretanju mjesečno dostavlja Vijeću ministara.

Direkcija je zadužena da „Informaciju“ dostavlja mjesečno Parlamentarnoj skupštini Bosne i Hercegovine u svrhu praćenja uticaja svjetske ekonomske krize na ekonomiju Bosne i Hercegovine.

„Informacija“ obuhvata kretanje glavnih makroekonomskih pokazatelja u Bosni i Hercegovini za navedeni period. Detaljna pojašnjenja svih oblasti koje su obuhvaćene u ovom dokumentu se mogu naći u Ekonomskim trendovima Bosne i Hercegovine koje publikuje Direkcija, kvartalno - četiri puta godišnje, te redovno dostavlja Vijeću ministara i Parlamentu Bosne i Hercegovine.


* * *

U ovom dokumentu biće prikazani podaci za nivo Bosne i Hercegovine i entitetske nivoe, gdje je to moguće. Prikazani podaci za nivo BiH ne predstavljaju prosti zbir/prosjek podataka entiteta za svaki od sektora.

U vrijeme pripreme ove informacije raspoloživost statističkih podataka o ekonomskim kretanjima u Bosni i Hercegovini u 2025. godini bila je veoma ograničena. U skladu s tim, ova informacija o kretanju makroekonomskih pokazatelja u januaru 2025. godine je pripremljena na bazi raspoloživih statističkih podataka, a gdje to nije bilo moguće korišteni su podaci iz prethodnog perioda.

Prema trenutno raspoloživim preliminarim statističkim podacima (statistika nacionalnih računa i kratkoročne statistike) za 2024. godinu u Bosni i Hercegovini je nastavljen trend rasta privredne aktivnosti. Naime, prema podacima BHAS-a za period januar-septembar 2024. godine (BDP, rashodni pristup, tromjesečni podaci) procjenjuje se da je **realni rast BDP-a u Bosni i Hercegovini iznosio 2,5%** u odnosu na isti period prethodne godine.¹ Posmatrano po kvartalima, realni rast BDP-a u K1 2024. godine iznosio je 2,5%, u K2 2,3%, dok je u K3 registriran realni rast BDP-a od 2,6% u odnosu na isti period prethodne godine. Uporedni prikaz trenda kretanja BDP-a u Bosni i Hercegovini i EU27 po kvartalima prikazan je na grafikonu ispod.

Grafikon 1: Realni rast BDP-a u Bosni i Hercegovini po kvartalima (stopa rasta g/g)




Izvor: BHAS i EUROSTAT

¹ Agencija za statistiku Bosne i Hercegovine, Saopštenje, „Bruto domaći proizvod, rashodni pristup, tromjesečni podaci za K3 2024. godinu“, 30.12.2024. godine.

Ako se pažljivije posmatra struktura ostvarenog rasta BDP-a u Bosni i Hercegovini u periodu januar-septembar 2024. godine (2,5%) može se zaključiti da je domaća tražnja (potrošnja i investicije) bila glavni nosilac ekonomskog rasta, dok izvozna tražnja imala negativan utjecaj na rast BDP-a. Naime, prema trenutno raspoloživim podacima BHAS-a procjenjuje se da je rast finalne potrošnje tokom posmatranog perioda iznosio 2,2%, tako da je doprinos iste u rastu BDP-a iznosio 1,8 p.p. Detaljnije posmatrano, registrirani rast privatne i javne potrošnje bio identičan i iznosio je 2,2%, dok su doprinosi ukupnom ekonomskom rastu iznosili privatna potrošnja 1,4 p.p. i javna potrošnja 0,4 p.p. Ovaj rast potrošnje omogućen je zahvaljujući blagom povećanju broja zaposlenih, povećanju plata i penzija, te usporavanju inflacije u zemlji u posljednjih nekoliko mjeseci.

Pored privatne potrošnje, pozitivan doprinos rastu ostvaren je i u okviru investicija obzirom da su iste u periodu januar-septembar 2024. godine ostvarile dvocifren porast od 15,6% u odnosu na isti period prethodne godine. Međutim, prilikom interpretacije ovog rasta investicija i doprinosa ekonomskom rastu potrebno je imati u vidu da ova kategorija uključuje i zalihe što znatno otežava analizu doprinosa investicija u strukturi ekonomskog rasta u Bosni i Hercegovini. Pregled strukture ekonomskog rasta u Bosni i Hercegovini u periodu januar-septembar 2024. godine po komponentama rasta prikazan je na grafikonu ispod.

Grafikon 2: Struktura ekonomskog rasta u Bosni i Hercegovini u periodu januar-septembar 2024. godine po komponentama




Izvor: BHAS

S druge strane, u 2024. godini doprinos vanjskog sektora u ekonomskom rastu u Bosni i Hercegovini za razliku od prethodnih godina bio je negativan što je vidljivo na grafikonu iznad. Naime, prema trenutno raspoloživim međunarodnim statističkim podacima u zemljama EU došlo je usporavanja ekonomskog rasta što se negativno odrazilo na vanjskotrgovinsku robnu razmjenu i konačnici na ekonomski rast u Bosni i Hercegovini. Prema podacima Eurostat-a za period januar-septembar 2024. godine procjenjuje se da je stopa ekonomskog rasta na nivou EU27 iznosila svega 0,8%, dok su pojedine zemlje koje predstavljaju glavna izvozna tržišta za bh. proizvode kao što su Njemačka i Austrija zabilježile negativne stope ekonomskog rasta.² Pregled kretanja ekonomskog rasta po zemljama za period januar-septembar 2024. godine prikazan je na grafikonu ispod.

² <https://ec.europa.eu/eurostat/web/products-euro-indicators/w/2-06092024-sept#:~:text=>


Grafikon 3: Ekonomski rast po zemljama (stopa rasta g/g u %)



Izvor: Eurostat

Ovo usporavanje privredne aktivnosti negativno se odrazilo na vanjskotrgovinsku razmjenu u Bosni i Hercegovini u 2024. godini. Naime, Bosna i Hercegovina je nakon dvocifrenog rasta u prethodnih nekoliko godina, u 2024. godini zabilježila znatno slabije rezultate u okviru vanjskotrgovinske razmjene sa svijetom. Ovo smanjenje vanjskotrgovinske razmjene posljedica je smanjenja izvoza (naročito izvoza roba), dok je uvoz uvećan usljed jačanja domaće tražnje. Naime, prema podacima BHAS-a za period januar-septembar 2024. godine u Bosni i Hercegovini je registrirano smanjenje izvoza za 4,4%, dok je uvoz uvećan za 2,7% u odnosu na isti period prethodne godine.³ Ovakav trend kretanja izvoza i uvoza rezultirao povećanjem trgovinskog deficita, tako da je ukupni doprinos trgovinskog bilansa u ekonomskom rastu bio izrazito negativan. S druge strane, ako se kretanje BDP-a u Bosni i Hercegovini u periodu januar-septembar 2024. godine posmatra po proizvodnom pristupu vidljivo je da su sektori čija kretanja su determinisana domaćom tražnjom predstavljali glavni oslonac rasta. Tako se može konstatovati da su povećanja u sektoru usluga (trgovina na veliko i malo, informacije i komunikacije, te hotelijerstvo i ugostiteljstvo) dali najznačajniji doprinos ekonomskom rastu. S druge strane, tokom posmatranog perioda izostao je značajniji doprinos roba usljed smanjenja proizvodnje u okviru prerađivačke industrije i energetskog sektora. Detaljniji prikaz strukture ekonomskog rasta u Bosni i Hercegovini u periodu januar-septembar 2024. godine po proizvodnom pristupu prikazan je na grafikonu ispod.

Grafikon 4: Ekonomski rast u Bosni i Hercegovini u periodu januar-septembar 2024, proizvodni pristup (rast g/g i doprinosi rastu p.p)



Izvor: BHAS

³ U ovom dijelu izvještaja su korišteni podaci iz statistike nacionalnih računa BHAS-a za K3 2024, pokazatelji izvoza i uvoza uključujući robe i usluge.

Pregled makroekonomskih indikatora u 2024. i 2025. godini po mjesecima

		2024.												2025.
Naziv indikatora	Mjerna jedinica	I	II	III	IV	V	VI	VII	VIII	IX	X	XI	XII	I
1. Realni sektor														
*BDP	stopa rasta g/g u %	N/A	N/A	2,5	N/A	N/A	2,3	N/A	N/A	2,6	N/A	N/A	N/A	N/A
** Populacija	u milionima	N/A	N/A	N/A	N/A	N/A	N/A	N/A	N/A	N/A	N/A	N/A	N/A	N/A
*BDP/per capita	u KM	N/A	N/A	N/A	N/A	N/A	N/A	N/A	N/A	N/A	N/A	N/A	N/A	N/A
Fizički obim indust. proizvodnje	stopa rasta g/g u %	-6,4	2,1	-9,7	-3,6	-10,4	-5,6	-2,8	-7,4	-5,1	-0,1	2,0	-2,0	-0,8
Prerađivačka indust.	stopa rasta g/g u %	-9,2	1,6	-7,1	-2,0	-8,4	-4,9	-4,6	-9,4	-7,2	-0,4	2,8	-3,1	0,6
Građevinarstvo	stopa rasta g/g u %	N/A	N/A	2,4	N/A	N/A	1,8	N/A	N/A	2,8	N/A	N/A	3,1	N/A
Maloprodaja	stopa rasta g/g u %	10,0	15,5	12,6	13,2	11,8	8,3	4,2	2,2	1,7	0,7	1,9	1,2	-0,8
Turizam	stopa rasta g/g u %	2,9	5,5	0,5	10,3	12,5	20,2	13,6	10,1	8,1	9,6	17,6	3,1	8,5
2. Tržište rada														
Zaposlenost	u hiljadama	849,9	850,8	850,9	857,7	858,4	858,5	856,8	851,4	858,8	858,6	859,3	858,0	N/A
Rast zaposlenosti	stopa rasta g/g u %	0,7	0,7	0,7	0,9	0,8	0,6	0,7	0,6	0,6	0,9	0,8	0,8	N/A
Nezaposlenost	u hiljadama	340,6	338,5	335,4	329,9	324,5	325,6	328,7	329,8	324,7	323,1	321,9	320,7	323,6
Rast nezaposlenosti	stopa rasta g/g u %	-4,4	-4,7	-5,0	-5,6	-5,9	-6,1	-6,2	-5,8	-6,4	-6,6	-6,6	-6,6	-5,0
Prosječna neto plata	u KM	1.328	1.338	1.353	1.374	1.388	1.374	1.395	1.392	1.382	1.415	1.406	1.430	N/A
Nominalni rast prosječne neto plate	stopa rasta g/g u %	9,9	10,5	7,4	10,7	8,9	8,5	10,6	8,7	9,3	10,2	7,8	10,2	N/A
3. Vanjski sektor														
Izvoz roba	stopa rasta g/g u %	-16,6	-9,7	-11,3	4,9	-9,2	-7,4	0,6	0,4	-4,7	7,0	0,2	3,6	3,7
Uvoz roba	stopa rasta g/g u %	3,3	9,6	-0,1	10,1	0,9	-3,5	8,4	1,5	-4,9	6,4	1,9	6,5	9,8
Trgovinski bilans	stopa rasta g/g u %	65,5	52,2	16,6	18,7	17,0	1,8	19,5	2,6	-5,2	5,6	4,4	9,9	19,4
*Bilans tekućeg računa	udio % BDP	N/A	N/A	-7,8	N/A	N/A	-3,5	N/A	N/A	-0,6	N/A	N/A	N/A	N/A
*Direktna strana ulaganja	udio % BDP	N/A	N/A	4,9	N/A	N/A	2,8	N/A	N/A	3,5	N/A	N/A	N/A	N/A
Devizne rezerve	u mlrd. KM	15,9	16,0	16,0	15,9	15,8	16,6	16,4	16,7	16,9	17,0	17,2	17,6	17,3
4. Monetarni agregati i cijene														
Inflacija, CPI	stopa rasta g/g u %	2,0	2,1	2,0	2,0	2,0	1,6	1,8	1,3	0,8	0,9	1,5	2,2	3,3
Hrana	stopa rasta g/g u %	2,7	1,7	0,9	0,9	0,5	0,0	0,2	0,9	2,0	2,7	3,2	3,9	5,2
Goriva i maziva	stopa rasta g/g u %	-7,4	-3,1	0,4	3,4	5,9	3,2	3,3	-5,4	-13,2	-14,0	-10,3	-5,4	-3,6
Proizvođačke cijene	stopa rasta g/g u %	-1,6	-2,4	-2,9	-1,3	0,1	1,1	1,9	3,1	3,1	2,9	2,4	2,7	N/A
M2	stopa rasta g/g u %	8,0	8,4	9,3	9,1	8,4	8,5	7,7	7,6	7,9	8,2	8,7	9,3	8,8
5. Bankarski sektor														
Ukupni krediti	stopa rasta g/g u %	7,3	7,5	8,3	8,4	9,4	9,2	9,7	9,6	9,5	9,4	9,8	9,8	9,8
Ukupni depoziti	stopa rasta g/g u %	7,6	7,5	8,6	8,5	7,2	7,1	7,8	7,0	7,1	6,9	7,5	8,8	8,4
6. Javne finansije														
Ukupni javni prihodi (porezi, doprinosi, dr.)	stopa rasta g/g u %	9,8	15,7	4,6	20,2	5,4	1,2	12,8	4,8	11,2	11,3	5,5	10,9	4,8
Direktni porezi	stopa rasta g/g u %	12,5	21,0	7,9	16,9	14,5	3,4	18,9	19,4	8,7	17,4	8,2	13,4	12,6
Socijalni doprinosi	stopa rasta g/g u %	9,2	15,0	8,5	16,1	10,5	2,6	12,7	6,4	7,1	10,4	8,9	15,2	10,3
Bruto prihodi od indirektnih poreza	stopa rasta g/g u %	8,4	15,5	1,7	25,4	1,0	1,5	12,8	3,0	6,1	12,2	2,8	14,3	1,2
Neto prihodi od indirektnih poreza	stopa rasta g/g u %	15,6	23,1	1,2	29,1	6,6	2,9	16,4	5,7	7,1	11,6	6,0	20,9	-0,3
Neto prihodi od PDV	stopa rasta g/g u %	25,2	21,7	-3,6	19,1	14,4	2,8	18,4	7,7	7,9	7,9	3,4	18,5	0,9
*Javni dug sektora vlade	udio u % BDP	N/A	N/A	25,5	N/A	N/A	25,2	N/A	N/A	24,7	N/A	N/A	26,8	N/A


1. U tabeli su prikazani zvanični podaci Agencije za statistiku Bosne i Hercegovine i administrativni podaci određenih institucija u Bosni i Hercegovini.
2. Prikazane stope rasta po mjesecima predstavljaju kretanje pokazatelja u navedenom mjesecu u odnosu na isti mjesec prethodne godine.
3. * označava pokazatelje koji su dostupni samo nivou kvartalnih vremenskih serija (mart- K1), (juni- K2), (septembar- K3) i (decembar-K4).
4. ** Posljednji raspoloživi podatak je procjena za 2023. godinu (3,422 miliona). Izvor: BHAS, Demografija 2023.

1. Realni sektor

Kretanje industrijske proizvodnje

Trend kretanja fizičkog obima industrijske proizvodnje u Bosni i Hercegovini pored proizvodnih procesa u zemlji, u velikoj mjeri je određen ekonomskim kretanjima u glavnim trgovinskim partnerima odnosno izvoznom tražnjom. Obzirom da je u posljednje vrijeme došlo do usporavanja ekonomske aktivnosti u zemljama EU i regiona to se odrazilo i na kretanje fizičkog obima industrijske proizvodnje u zemlji. U skladu sa ovim vanjskim kretanjima Bosna i Hercegovina bilježi niži nivo fizičkog obima industrijske proizvodnje. Naime, trenutno raspoloživi statistički podaci za januar 2025. godine ukazuju da je negativan trend u okviru industrijske proizvodnje u Bosni i Hercegovini nastavljen. Tako je prema podacima BHAS-a za januar 2025. godine u Bosni i Hercegovini registriran pad fizičkog obima industrijske proizvodnje od 0,8% u odnosu na isti mjesec prethodne godine.⁴ Ako se kretanje fizičkog obima industrijske proizvodnje posmatra sektorski vidljivo je da je pad proizvodnje zabilježen sektorima rudarstva i proizvodnje električne energije, dok je u okviru prerađivačke industrije zabilježen blagi rast proizvodnje. Tako je prema podacima BHAS-a za januar 2025. godine pad obima proizvodnje u rudarstvu iznosio 0,6%, sektoru za proizvodnju električne energije 0,8%, dok je u okviru prerađivačke industrije ostvaren blagi rast od 0,6%. Pregled strukture fizičkog obima industrijske proizvodnje po sektorima prikazan je na grafikonu ispod.

Grafikon 5: Kretanje fizičkog obima industrijske proizvodnje u Bosni i Hercegovini u januaru 2025. godine po sektorima (rast g/g)



Izvor: BHAS

Pregled kretanja fizičkog obima industrijske proizvodnje u Bosni i Hercegovini po entitetima u januaru 2025. godine prikazan je u tabeli ispod.

Tabela 1: Pregled fizičkog obima industrijske proizvodnje po entitetima, januar 2025. godine (stopa rasta u %, g/g)

	FBiH	RS
januar 2025.	1,5%	-6,4%

Izvor: Federalni zavod za statistiku FBiH, Republički zavod za statistiku RS

⁴ Agencija za statistiku Bosne i Hercegovine, Saopštenje, „Indeks obima industrijske proizvodnje u Bosni i Hercegovini za januar 2025. godine-prethodni podaci“, 27.03.2025. godine.

Maloprodaja

Prema zvaničnim podacima BHAS-a trgovina na malo, u mjesecu januaru 2025.godine, je zabilježila negativnu stopu rasta prometa od 0,8% g/g. Ukupan promet u maloprodaji je iznosio 1,29 milijardi KM i niži je za 10,3 miliona KM u odnosu na januar 2024.godine (posljednji put negativnu stopu rasta maloprodaja je zabilježila u mjesecu februaru 2021. godine). Navedeno smanjenje prometa u ukupnoj maloprodaji bi moglo odražavati uticaj odluke o neradnoj nedjelji u Federaciji Bosne i Hercegovine gdje je zabilježena negativna stopa rasta od 1,2 g/g.

Trgovina na malo motornim gorivima u specijaliziranim prodavnicama (dalje u tekstu s.p.), u mjesecu januaru 2025. godine, je realno porasla za 14,5% g/g (promet u navedenom periodu iznosio je 247 miliona KM, veći je za 31,3 milion KM) dok je istovremeno trgovina na malo osim trgovine motornim gorivima u s.p. zabilježila niži promet za 3,8% g/g (promet je iznosio 1,05 milijardi KM, niži je za 41,6 miliona KM). Ovo smanjenje prometa gotovo u potpunosti odgovara smanjenju prometa u trgovini na malo tekstilom, odjećom, obućom i proizvodima od kože.


Tabela 2: Ukupna maloprodaja u mjesecu januaru 2025. godine, po entitetima (stopa rasta u %, g/g)

	Republika Srpska	Federacija Bosne i Hercegovine
januar 2025.	9,5	-1,2

Izvor: Republički zavod za statistiku Republike Srpske, Federalni zavod za statistiku Federacije Bosne i Hercegovine

Podaci prikazani u tabeli iznad se razlikuju od podataka BHAS-a zbog korištenja različitih modela koji se koriste za desezoniranje podataka.

Grafikon 6: Ukupna trgovina na malo u Bosni i Hercegovini – u mjesecu januaru po godinama (rast g/g u %)



Izvor: BHAS


U strukturi trgovine na malo neprehrambenim proizvodima (u ovoj kategoriji ukupan promet je iznosio 708 miliona KM, smanjen za 31 milion KM g/g) se primjećuje da je najveće smanjenje od 9,8% g/g ostvareno kod trgovine na malo ostalom robom u s.p. (promet je niži za 52 miliona KM). Kod trgovine na malo ostalom opremom za domaćinstvo je registrovano povećanje prometa za 25,3% g/g (odnosno za 18 miliona KM). Kod trgovine na malo proizvodima za kulturu i rekreaciju ostvaren je rast od 10,1% g/g (promet 21 milion KM, porast za 1,9 miliona KM u odnosu na mjesec januar prethodne godine) dok je istovremeno trgovina na malo informacijsko komunikacijskom opremom zabilježila skoro zanemariv pad prometa.

U sklopu trgovine ostalom robom u s.p., u mjesecu januaru 2025. godine, najveće smanjenje prometa je zabilježila trgovina na malo tekstilom, odjećom, obućom i proizvodima od kože gdje je promet iznosio 358 miliona (smanjen je za 10,8% g/g, odnosno za 41,6 miliona KM). Promet u apotekama, trgovini na malo medicinskim i kozmetičkim preparatima je također smanjen, pa je tako u mjesecu januaru 2025.godine zabilježena negativna stopa rasta od 6,5% g/g (promet je iznosio 104 miliona KM, niži za 7,1 miliona KM).

Trgovina na malo namještajem, opremom za rasvjetu i električnim aparatima za domaćinstvo je, u posmatranom mjesecu, zabilježila povećanje prometa od 53,3% g/g (promet je iznosio 43 miliona KM, uvećan je za 15 miliona KM u odnosu na isti mjesec prethodne godine).

Gradevinarstvo

Prema zvaničnim statističkim podacima BHAS-a o ukupnim građevinskim radovima u Bosni i Hercegovini, u K4 2024. godine vidljivo je povećanje radova za 3,1% g/g. Ovaj rast se primarno ostvario zahvaljujući povećanju radova u sektoru niskogradnje gdje je zabilježeno povećanje radova od 4,5% dok su istovremeno radovi u sektoru visokogradnje viši za 1,4% g/g.



Izvor: BHAS

Tabela 3: Građevinski radovi u 2024. godine, po entitetima (stopa rasta u %, g/g)

	Republika Srpska	Federacija Bosne i Hercegovine
IV kvartal	2,7	3,6

Izvor: Republički zavod za statistiku Republike Srpske, Federalni zavod za statistiku Federacije Bosne i Hercegovine

Broj izdatih odobrenja za građenje u K4 2024. godine u odnosu na K4 2023. godine viši je za 3%. Na povećanje izdatih odobrenja za građenje najviše je uticao sektor niskogradnje u kojem je zabilježen rast izdatih odobrenja od 11,6%⁵ g/g. Odobrenja za građenje u visokogradnji istovremeno su zabilježila blago smanjenje od 0,8% g/g (od toga broj izdatih dozvola za stambene zgrade niži je za 1,8% g/g dok je sa druge strane porastao broj izdatih dozvola za građenje nestambenih zgrada za 2,8% g/g).

⁵ prosjek mjesečnih stopa

Tržište rada

Podatak o broju zaposlenih lica u Bosni i Hercegovini za januar 2025. godine nije objavljen u periodu pripreme Informacije, pa se podaci u tekstu odnose na decembar odnosno prosjek 2024. godine.

Tokom 2024. godine u Bosni i Hercegovini došlo je do usporenog rasta broja zaposlenih lica. U decembru 2024. godine broj zaposlenih lica bio je veći za 0,8% u odnosu na isti mjesec prethodne godine i iznosio je oko 858⁶ hiljada. U periodu I-XII 2024. godine prosječan broj zaposlenih je iznosio oko 855,8 hiljada i veći je za 0,7% u odnosu na 2023. godinu. Broj zaposlenih lica po entitetima i mjesecima u 2024. godini predstavljen je u tabeli ispod.

Usporen rast broja zaposlenih lica posljedica je smanjenja broja zaposlenih lica u djelatnosti industrije u kojoj je u 2024. godini primjetan smanjen obim proizvodnje (detaljnije u poglavlju o industrijskoj proizvodnji). U okviru industrijske proizvodnje posebno se ističe djelatnost koja zapošljava najviše lica (oko 19,3%), prerađivačka industrija, gdje je broj zaposlenih lica smanjen za 2,7% g/g uz negativan doprinos rastu ukupnog broja zaposlenih od 0,5 p.p. Pored toga, u djelatnosti vađenja rude i kamena broj zaposlenih lica je smanjen za 4,3% g/g (negativan doprinos rastu ukupnog broja zaposlenih 0,1 p.p.). Suprotno, najveći doprinos rastu ukupnog broja zaposlenih lica u Bosni i Hercegovini dala je djelatnost trgovine⁷ na veliko i malo, popravka motornih vozila i motocikala (0,4 p.p.) uz stopu rasta od 2,1% g/g. Sve ostale djelatnosti imale su manji doprinos rastu ukupnog broja zaposlenih lica u Bosni i Hercegovini. Tako je u djelatnosti građevinarstva rast broja zaposlenih iznosio 3,2% (uz doprinos rastu ukupnog broja zaposlenih 0,2 p.p.). Jednak doprinos rastu u 2024. godini bio je u djelatnosti zdravstvene i socijalne zaštite uz stopu od 2,8% g/g.

Tabela 4: Broj zaposlenih⁸ lica

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2023	849.489	1,3%	541.261	1,0%	290.491	1,3%
I-2024	849.942	0,7%	542.116	1,1%	-	-
II-2024	850.799	0,7%	542.688	1,0%	-	-
III-2024	850.888	0,7%	543.231	1,1%	289.755	-0,2%
IV-2024	857.738	0,9%	546.825	1,4%	-	-
V-2024	858.409	0,8%	548.795	1,3%	-	-
VI-2024	858.506	0,6%	549.382	1,1%	-	-
VII-2024	856.783	0,7%	547.620	1,2%	-	-
VIII-2024	851.445	0,6%	543.667	1,0%	-	-
IX-2024	858.752	0,6%	551.326	1,2%	289.689	-0,4%
X-2024	858.598	0,9%	551.839	1,2%	-	-
XI-2024	859.261	0,8%	552.607	1,2%	-	-
XII-2024	858.042	0,8%	551.842	1,4%	-	-
I-XII 2024	855.764	0,7%	547.660	1,2%	289.722	-0,3%

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

⁶ Privremeni podatak. Izvor: BHAS.

⁷ Ukupan promet trgovine na malo u Bosni i Hercegovini, posmatran u tekućim cijenama, u decembru 2024. godine ostvario je rast od 4% u odnosu na isti mjesec prethodne godine. Posmatrano u stalnim cijenama, ukupan promet trgovine na malo ostvario je rast od 1,2% u odnosu na isti mjesec prethodne godine. Izvor: BHAS, Poslovne statistike, indeksi prometa trgovine na malo u Bosni i Hercegovini, decembar 2024. godine.

⁸ Podaci o broju zaposlenih lica za Bosnu i Hercegovinu do septembra 2024. godine su konačni, a nakon toga podaci su privremeni. U Republici Srpskoj podaci o broju zaposlenih lica se objavljuju za mart i septembar svake godine.

U Bosni i Hercegovini broj registrovanih nezaposlenih lica u januaru 2025. godine je iznosio oko 323,6 hiljada i manji za 5% u odnosu na januar 2024. godine. Broj registrovanih nezaposlenih lica po mjesecima i entitetima predstavljen je u tabeli ispod.

Tabela 5: Broj registrovanih nezaposlenih lica

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2023	348.918	-3,9%	277.160	-4,4%	61.093	-9,8%
I-2024	340.561	-4,4%	268.870	-5,9%	59.019	-9,0%
II-2024	338.528	-4,7%	267.170	-5,9%	58.894	-8,0%
III-2024	335.386	-5,0%	264.744	-6,1%	58.377	-6,9%
IV-2024	329.944	-5,6%	260.500	-6,7%	57.349	-6,8%
V-2024	324.517	-5,9%	256.169	-6,9%	56.426	-6,8%
VI-2024	325.568	-6,1%	257.641	-6,3%	56.056	-7,1%
VII-2024	328.674	-6,2%	261.154	-5,7%	55.718	-7,7%
VIII-2024	329.829	-5,8%	262.371	-5,3%	55.680	-8,0%
IX-2024	324.712	-6,4%	257.483	-5,9%	55.376	-8,0%
X-2024	323.143	-6,6%	256.275	-6,2%	55.048	-8,0%
XI-2024	321.912	-6,6%	255.720	-6,1%	54.409	-8,3%
XII-2024	320.696	-6,6%	255.482	-6,0%	53.524	-9,0%
I-XII 2024	328.623	-5,8%	260.298	-6,1%	56.323	-7,8%
I-2025	323.628	-5,0%	257.914	-4,1%	53.956	-8,6%

Izvor: Agencija za statistiku Bosne i Hercegovine, Agencija za rad i zapošljavanje Bosne i Hercegovine, Zavod za zapošljavanje Republike Srpske, Federalni zavod za zapošljavanje Federacije Bosne i Hercegovine

Podatak o prosječnoj neto plati u Bosni i Hercegovini za januar 2025. godine nije objavljen u periodu pripreme Informacije, pa se podaci u tekstu odnose na decembar odnosno prosjek 2024. godine.

U decembru 2024. godine nastavljen je rast prosječne neto plate u Bosni i Hercegovini koja je iznosila 1.430 KM i nominalno veća je za 10,2% u odnosu na decembar 2023. godine. Prosječna neto plata u periodu I-XII 2024. godine iznosila je 1.381 KM uz nominalni rast od 9,4% u odnosu na isti period 2023. godine, dok je realni rast iznosio 7,5%.

Najveća prosječna isplaćena neto plata u 2024. godini u Bosni i Hercegovini bila je u području djelatnosti informacija i komunikacija (1.969 KM), dok je najniža prosječna isplaćena neto plata u području djelatnosti pružanja smještaja, te pripreme i usluživanja hrane (906 KM). Posmatrajući nominalne stope rasta neto plata primjećuje se da su uvećane u svim područjima djelatnosti.

Najveće stope rasta neto plata u 2024. godini bile u području stručnih, naučnih i tehničkih djelatnosti (12,4% g/g), poljoprivrede, šumarstva i ribolova (11,4% g/g), umjetnosti, zabave i rekreacije (10,9% g/g). Pored navedenih djelatnosti bitno je pomenuti rast prosječne neto plate u djelatnosti prerađivačke industrije od 11,1% g/g i djelatnosti trgovine na veliko i malo, popravka motornih vozila i motocikala od 10,8% g/g koje zajedno zapošljavaju najviše lica u Bosni Hercegovini (oko 38%).

Tabela 6: Prosječna neto plata (u KM) i nom. stope rasta u odnosu na isti period prethodne godine

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2023	1.263	12,5%	1.261	13,2%	1.274	11,4%
I-2024	1.328	9,9%	1.338	10,8%	1.312	7,8%
II-2024	1.338	10,5%	1.315	10,2%	1.392	10,8%
III-2024	1.353	7,4%	1.335	5,5%	1.394	10,8%
IV-2024	1.374	10,7%	1.364	10,6%	1.400	10,7%
V-2024	1.388	8,9%	1.384	8,4%	1.403	9,6%
VI-2024	1.374	8,5%	1.351	7,1%	1.426	11,1%
VII-2024	1.395	10,6%	1.387	10,3%	1.416	10,8%
VIII-2024	1.392	8,7%	1.384	8,0%	1.411	9,7%
IX-2024	1.382	9,3%	1.369	8,7%	1.412	10,6%
X-2024	1.415	10,2%	1.415	10,1%	1.420	10,1%
XI-2024	1.406	7,8%	1.401	6,9%	1.420	9,6%
XII-2024	1.430	10,2%	1.428	10,2%	1.438	10,3%
I-XII 2024	1.381	9,4%	1.373	8,9%	1.404	10,2%

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

U januaru 2025. godine prosječna samostalna penzija u Bosni i Hercegovini iznosila je oko 684⁹ KM. U odnosu na januar 2024. godine je uvećana za 3,8%. Rast prosječne penzije podstaknut je uvećanjem penzija u oba entiteta tokom 2024. godine ali i početkom 2025. godine (u Republici Srpskoj).¹⁰ Prosječne penzije u entitetima su predstavljene u tabeli ispod. Najniža penzija u Federaciji Bosne i Hercegovine u januaru 2025. godine nije se mijenjala u odnosu na decembar prethodne godine i iznosila je 573,5 KM, dok je u Republici Srpskoj, najniža penzija u januaru 2025. godine uvećana i iznosila je 318,6¹¹ KM za penzijski staž do 15. godina. Ukupan broj penzionera koji prima samostalnu penziju u Bosni i Hercegovini u januaru 2025. godine iznosio je 657,1 hiljada i veći je za 1,8% u odnosu na januar 2024. godine.¹²

Tabela 7: Prosječna samostalna penzija (u KM)

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-2024	658,6	12,7%	710,3	14,7%	591,7	9,7%
II-2024	658,8	12,7%	710,6	14,7%	592,1	9,7%
III-2024	659,4	12,7%	711,7	14,7%	592,3	9,7%
IV-2024	665,5	10,6%	722,2	11,2%	592,7	9,7%
V-2024	665,7	8,1%	722,6	7,1%	592,7	9,7%
VI-2024	665,8	8,1%	722,7	7,1%	592,9	9,8%
VII-2024	666,1	8,1%	723,0	7,1%	593,2	9,8%
VIII-2024	666,4	8,1%	723,4	7,1%	593,4	9,8%
IX-2024	666,7	8,1%	723,8	7,2%	593,6	9,7%
X-2024	667,3	8,2%	724,2	7,2%	594,3	9,8%
XI-2024	667,4	8,2%	724,4	7,2%	594,3	9,8%
XII-2024	667,5	8,2%	724,6	7,3%	594,4	9,8%
I-2025	683,7	3,8%	725,2	2,1%	630,3	6,5%

Izvor: Federalni zavod za penzijsko i invalidsko osiguranje Federacije Bosne i Hercegovine, Fond za penzijsko i invalidsko osiguranje Republike Srpske

⁹ Prosječna samostalna penzija u Bosni i Hercegovini je izračunata na osnovu prosječnih samostalnih mjesečnih penzija ponderisanih udjelom ukupnog boja penzionera u svakom od entiteta u ukupnom broju penzionera. Uzme li se u obzir i broj korisnika srazmjernje penzije u Federaciji Bosne i Hercegovine prosječna penzija u Bosni i Hercegovini iznosi oko 625 KM. Podaci o srazmjernim penzijama u Republici Srpskoj nisu objavljeni u statističkom biltenu.

¹⁰ Penzije u oba entiteta su uvećane tokom 2024. godine (detaljnije u Informaciji za decembar 2024. godine). Pored toga, u Republici Srpskoj penzije ostvarene do 31. decembra 2024. godine svim korisnicima prava usklađuju se od 01. januara 2025. godine i povećavaju u ukupnom iznosu za 6%. Izvor: Fond za penzijsko i invalidsko osiguranje Republike Srpske.

¹¹ U Republici Srpskoj za penzijski staž 15-20 godina najniža penzija je iznosila 382,40 KM, za penzijski staž 20-30 godina iznosila je 446,15 KM, za penzijski staž 30-40 godina iznosila je 509,94 KM i za penzijski staž 40 i više godina najniža penzija je iznosila 637,43 KM.

¹² Broj penzionera u Bosni i Hercegovini u analizi predstavlja zbir penzionera koji primaju penzije od Federalnog zavoda za penzijsko i invalidsko osiguranje i Fonda za penzijsko i invalidsko osiguranje Republike Srpske bez obzira na mjesto prebivališta (u ili izvan Bosne i Hercegovine). Uzme li se u obzir i broj korisnika srazmjernje penzije u Federaciji Bosne i Hercegovine ukupan broj penzionera u Bosni i Hercegovini iznosi oko 743,7 hiljada. Podaci o srazmjernim penzijama u Republici Srpskoj nisu objavljeni u statističkom biltenu.

2. Javne finansije

U mjesecu januaru 2025. godine nastavljen je trend rasta ukupno naplaćenih prihoda. Tako su ukupno naplaćeni prihodi od indirektnih poreza, ostalih prihoda i taksi iz nadležnosti Uprave za indirektno oporezivanje Bosne i Hercegovine (u daljem tekstu UIO) i entitetskih poreskih uprava (direktni porezi, doprinosi i drugi prihodi), u posmatranom mjesecu iznosili oko 1,8 milijardu KM, i u odnosu na isti mjesec prethodne godine su veći za oko 4,8%.

Indirektni porezi u Bosni i Hercegovini

Od 02.12.2024. na snazi je Odluka o utvrđivanju posebne i minimalne akcize na cigarete i duvan za pušenje za 2025. godinu¹³.

Naplaćeni prihodi. U mjesecu januaru 2025. godine, UIO Bosne i Hercegovine ukupno je naplatila oko 879,5 miliona KM bruto prihoda od indirektnih poreza, što je za skrmonih 1,2% više nego u istom mjesecu prethodne godine. Tokom istog mjeseca, usljed povećanja povrata novčanih sredstava sa Jedinствenog računa UIO od oko 7,7% g/g (u daljem tekstu JR UIO), neto prihodi su ostvarili neznatno smanjenje od oko 0,3% g/g.

Pozitivan doprinos stopi rasta neto prihoda od indirektnih poreza dali su: prihodi od carina od oko 0,9 p.p. i prihodi od poreza na dodanu vrijednost od 0,6 p.p. (u daljem tekstu PDV). Negativan doprinos stopi rasta neto prihoda dali su prihodi od kaci za 1,2 p.p. i prihodi od putarina 0,6 p.p.

Tabela 8: Naplata i raspodjela prihoda od indirektnih poreza (rast g/g u % ako nije drugačije naznačeno)

	jan-23	jan-24	jan-25
Bruto prihodi - prikupljeno	13,0	8,4	1,2
Povrati	12,4	-13,9	7,7
Neto prihodi - prikupljeno	13,2	15,6	-0,3
PDV	25,3	25,2	0,9
Carine	26,3	14,8	18,8
Akcize	11,1	-14,0	-7,0
Putarine	-7,2	26,3	-7,5
Ostali prihodi	4,6	8,7	9,2
Neusklađeni prihodi	-75,2	-3,8	0,6
Raspoloživo zaraspodjelu	15,6	8,3	-0,5
Minimalne rezerve	12,3	-13,3	7,3
Budžeti	16,7	15,3	-2,4
Servis vanjskog duga	500,3	0,3	0,9
Federacija Bosna i Hercegovina	561,5	-3,6	0,1
Republika Srpska	404,2	6,0	2,9
Brčko Distrikt	355,6	1.242,1	-17,4
Raspodjeljeno nakon servisa vanjskog duga	-4,7	19,5	-3,2
Institucije Bosne i Hercegovine	16,5	18,4	-1,3
Federacija Bosna i Hercegovina	-9,1	20,4	-3,3
Republika Srpska	-7,8	20,0	-3,9
Brčko Distrikt	16,9	9,8	-2,0

Izvor: UIO Bosne i Hercegovine

¹³ Odluka o utvrđivanju posebne i minimalne akcize na cigarete i iznos akcize na duvan za pušenje za 2025. godinu („Službeni glasnik BiH“, broj 84/24), a koja se primjenjuje od 01.01.2025. godine. Odlukom je definisano da se od 01.01.2025. godine, na cigarete i duvan za pušenje plaća sljedeća akciza i to :

a) proporcionalna akciza, po stopi od 42% na osnovicu utvrđenu u skladu sa članom 15. stav (1) tačka b) Zakona o akcizama u Bosni i Hercegovini („Službeni glasnik BiH“, br. 49/09, 49/14, 60/14, 91/17 i 50/22, u daljnjem tekstu: Zakon) i

b) specifična akciza u iznosu od 82,50 KM za 1.000 komada, odnosno 1,65 KM za pakovanje cigareta od 20 komada

Akciza na duvan za pušenje utvrđuje se u visini od 80% minimalne akcize, utvrđene u članu 3. stav (3) ove odluke i iznosi 143,20 KM po kilogramu.

<http://www.sluzbenilist.ba/page/akt/pS4G2Sohz4nh78h777kohz4nh78h77c=>

PDV. Bruto prihodi od PDV-a u januaru 2025. godine su iznosili oko 665 miliona KM, što je za 2,4% više nego u januaru 2024. godine. Neto prihodi po osnovu PDV-a, tokom istog perioda, su iznosili oko 491 milion KM, što je za svega 0,9% g/g više. U toku prvog mjeseca posmatrane godine, prihodi od PDV-a po osnovu uvoza roba uvećani su za oko 8,4% g/g, dok su prihodi naplaćeni iz prometa domaćih roba i usluga smanjeni za oko 3,1% g/g.

Akcize. Po osnovu akciza tokom januara 2025. godine ukupno je naplaćeno oko 110 miliona KM neto prihoda, što je za oko 7,0% manje u poređenju sa januarom prethodne godine. Rezultat smanjenja prihoda od akciza leži u smanjenju prihoda od uvoznih akciza i od prihoda od domaćih akciza. Prihodi od uvoznih akciza su manji za oko 9,7% i to prvenstveno, zbog smanjenja prihoda od akciza na duvan i duvanske prerađevine. Sa druge strane, domaće akcize manje su za oko 19,5% g/g. Ukupni prihodi od akciza na naftu i derivate nafte manji su za oko 3,0% g/g, dok su prihodi od akciza na duvan i duvanske prerađevine niži za 37,5% g/g. Smanjenje prihoda od akciza u nekoj mjeri ublažili su prihodi od ostalih akciza koji su ostvarili pozitivnu stopu rasta (9,7% g/g).

Putarine. Ukupno naplaćeni prihodi od putarina u januaru 2025. godine iznosili su oko 50 miliona KM. Naplata prihoda od putarine uglavnom prati naplatu akciza na naftu i naftne derivate, sa određenim razlikama koje potiču od različitih osnovica na koje se obračunava i plaća putarina, odnosno akcize na naftu i derivate nafte. Tokom posmatranog mjeseca navedeni prihodi su zabilježili smanjenje od oko 7,5% g/g.

Carine. Neto prihodi od carinskih dažbina u januaru 2025. godine su iznosili oko 39 miliona KM. U poređenju sa istim mjesecom prethodne godine isti su veći za oko 18,8% g/g. Visoka stopa rasta prihoda od carina se može povezati sa porastom uvoza iz trećih zemalja, a koji se uvoze u Bosnu i Hercegovinu.

Raspoređeni prihodi. U januaru 2025. godine, ukupni prihodi raspoloživi za raspodjelu su iznosili oko 863 miliona KM. Nakon izdvajanja sredstava za izgradnju autoputeva i izgradnju i rekonstrukciju drugih puteva u Bosni i Hercegovini u iznosu od oko 37,5 miliona KM, minimalne rezerve u iznosu od oko 180 miliona KM i sredstava za finansiranje institucija Bosne i Hercegovine u iznosu od 82,3 miliona KM, UIO Bosne i Hercegovine, je izvršila raspored preostalih sredstava u iznosu od oko 563 miliona KM krajnjim korisnicima prema važećim koeficijentima¹⁴. Od tog iznosa Federaciji Bosne i Hercegovine je doznačeno ukupno oko 349 miliona KM (za servis vanjskog duga oko 85,5 miliona KM), Republici Srpskoj oko 194 miliona KM (za servis vanjskog duga oko 46,8 miliona KM) i Brčko Distriktu oko 20 miliona KM (za servis vanjskog duga 909 hiljada KM). U poređenju sa januarom prethodne godine raspoređena sredstva sa jedinstvenog računa UIO za servis vanjskog duga su uvećana za svega 0,9% g/g, dok su raspoređena sredstva krajnjim korisnicima, nakon servisiranja obaveza vanjskog duga manja za 17,4%.

Prihodi od direktnih poreza, doprinosa i neporeskih prihoda

U skladu sa ranijom praksom, entitetske vlade na kraju godine vrše usklađivanje visine najniže plate za narednu godinu. Tako je od januara 2025. godine, Odlukom Vlade Federacije Bosne i Hercegovine najniža plata za 2025. godinu 1.000 KM (umjesto dosadašnjih 619 KM)¹⁵. Takođe,

¹⁴ Odlukom Upravnog odbora UIO Bosne i Hercegovine, broj: 02-02-15-3-1/23 od 04.09.2023. godine, utvrđeni su privremeni koeficijenti raspodjele sredstava sa Jedinstvenog računa za period jul-septembar 2023. godine, i isti iznose: BiH 62,01%, RS 34,44%, Brčko Distrikt BiH 3,55%.

¹⁵ <https://fbihvlada.gov.ba/bs/utvrdena-najniza-plata-za-2025-godinu-u-iznosu-od-1000-km>

i u 2025. godini nastavlja se primjena Uredbe o isplati pomoći od poslodavca koju je donijela Vlada Federacije Bosne i Hercegovine i kojom je poslodavac u obavezi da zaposlenim isplati novčanu pomoć¹⁶. Vlada Republike Srpske je donijela odluku o najnižoj plati za 2025. koja zavisi od stepena stručne sprema¹⁷. Takođe, u januaru je povećana naknada za topli obrok, radnicima kojima se isplaćuje u novcu na 11,13 KM u neto iznosu, odnosno 18,24 KM u bruto iznosu. U Federaciji Bosne i Hercegovine trenutno se razmatraju izmjene Zakona o penzijskom i invalidskom osiguranju (PIO), s ciljem poboljšanja materijalnog položaja penzionera. Trenutno se penzije usklađuju na osnovu kombinacije rasta bruto domaćeg proizvoda (BDP) i indeksa potrošačkih cijena, pri čemu se uzima po 50% od svakog parametra. Usvajanjem Budžeta Federacije Bosne i Hercegovine za 2025. godinu, u januaru tekuće godine, usvojeno je i povećanje izdvajanja za penzije. Sa početkom 2025. godine, u Republici Srpskoj registrovano je povećanje penzija.

Sve izmjene koje su entitetske vlade donijele svakako će se odraziti i na naplatu prihoda poreskih uprava, jer se njihovom primjenom mijenja poreska osnovica. Rezultati primjene novih odluka vidljivi su već i u toku januara posmatrane godine.

Entitetske poreske uprave su u januaru mjesecu 2025. godine, ukupno prikupile oko 852,2 miliona KM javnih prihoda, iz svojih nadležnosti. Navedeni prihodi su zadržali dvocifrenu stopu rasta (11,2% g/g) Detalji o naplaćenim prihodima slijede u tabeli ispod.

Tabela 9: Prihodi od direktnih poreza, doprinosa, taksi, naknada i kazni u januaru

Naziv prihoda	Federacija Bosne i Hercegovine			Republika Srpska			Bosna i Hercegovina		
	miliona KM		rast u %	miliona KM		rast u %	miliona KM		rast u %
	2024	2025		2024	2025		2024	2025	
Direktni porezi	104,6	116,3	11,2	46,0	53,3	15,8	150,6	169,6	12,6
Porez na dohodak	55,7	63,9	14,8	27,4	32,6	19,0	83,1	96,5	16,2
Porez na dobit	33,9	36,8	8,8	16,6	18,6	11,9	50,5	55,4	9,8
Porezi građana	15,0	15,6	3,8	2,0	2,1	4,2	17,0	17,6	3,8
Ostali porezi	0,0	0,0	-	0,0	0,0	-	0,0	0,0	-
Takse, kazne i naknade	76,5	70,0	-8,5	38,3	37,1	-3,1	114,8	107,2	-6,7
Doprinosi	402,9	449,3	11,5	183,7	198,0	7,8	586,6	647,3	10,3
PIO	227,6	253,7	11,5	110,2	118,4	7,4	337,9	372,1	10,1
Zdravstvo	156,8	174,7	11,4	60,3	64,9	7,6	217,1	239,7	10,4
Nezaposleni	18,5	20,9	12,8	3,4	3,7	10,0	21,9	24,6	12,4
Dječija zaštita	0,0	0,0	-	9,1	10,0	9,1	9,1	10,0	9,1
Zapošljavanje invalida	0,0	0,0	-	0,7	1,0	58,5	0,7	1,0	58,5
Ostali prihodi	0,1	0,0	-	0,0	0,0	-	0,1	0,3	-
UKUPNO	584,1	635,6	8,8	268,1	288,5	7,6	852,2	924,3	8,5

Izvor: entitetske poreske uprave

¹⁶ <https://fbihvlada.gov.ba/bs/11-uredba-o-isplati-pomoci-od-strane-poslodavca>;

<https://www.pufbih.ba/v1/novosti/3181/obavijest-u-vezi-primjene-uredbe-o-isplati-pomoi-radnicima-od-strane-poslodavca>

¹⁷ <https://erp.slglasnik.org/erp/slglasnik.org/rs/sgrs/vlada-republike-srpske/odluka/2025/6/15900>

1) Najniža plata u Republici Srpskoj utvrđuje se u bruto iznosu od 1.344,26 KM, odnosno u neto iznosu od 900,00 KM.

2) Najniža plata za poslove za čije obavljanje se zahtijeva najmanje stečeno srednje obrazovanje u trajanju od tri godine utvrđuje se u bruto iznosu od 1.426,23 KM, odnosno u neto iznosu od 950,00 KM.

3) Najniža plata za poslove za čije obavljanje se zahtijeva najmanje stečeno srednje obrazovanje u trajanju od četiri godine utvrđuje se u bruto iznosu od 1.508,20 KM, odnosno u neto iznosu od 1.000,00 KM.

4) Najniža plata za poslove za čije obavljanje se zahtijeva najmanje stečeno više obrazovanje utvrđuje se u bruto iznosu od 2.000,00 KM, odnosno u neto iznosu od 1.300,00 KM.

Socijalni doprinosi. Ukupno prikupljeni prihodi po osnovu socijalnih doprinosa, na kraju januara 2025. godine, su iznosili oko 647,3 miliona KM, čime su u poređenju sa istim mjesecom prethodne godine ostvarili rast od oko 10,3%. Posmatrajući pojedinačne kategorije prihoda od doprinosa, uočava se da one bilježe ujednačene stope rasta, što se može vidjeti iz tabele iznad. Dominantna kategorija ovih prihoda jesu prihodi od doprinosa za penzijsko i invalidsko osiguranje (PIO), koji su zabilježili stopu rasta od oko 10,1% g/g.

Direktni porezi. Prihodi po ovom osnovu na nivou Bosne i Hercegovine, u januaru 2025. godine, su ostvarili povećanje od oko 12,6% u poređenju sa istim mjesecom prethodne godine. U posmatranom periodu po osnovu direktnih poreza ukupno je naplaćeno oko 169,6 miliona KM. U strukturi navedenih prihoda dominiraju prihodi od poreza na dohodak. Prihodi od poreza na dohodak bilježe stopu od oko 16,2% g/g i rezultat je mjera entitetskih vlada (povećanje minimalne plate). Prihodi od poreza na dobit rasli su zahvaljujući ostvarenim prihodima od poreza na dohodak na dobitke iz nagradnih igara i igara na sreću.


Takse, kazne i naknade. Po osnovu različitih taksi, naknada i kazni u januaru 2025. godine, ukupno je naplaćeno oko 107,2 miliona KM, što je za oko 6,7% manje nego u istom mjesecu 2024. godine. Na smanjenje prihoda u navedenoj kategoriji najveći doprinos su imali smanjeni prihodi po osnovi taksi i naknada.

3. Cijene, monetarni i finansijski sektor

Cijene

Cijena sirove nafte na svjetskom tržištu energenata u januaru 2025. godine prema podacima Svjetske banke bila je viša u odnosu na prethodni mjesec oko 8,1% i iznosila je 78,2 \$/barelu. U poređenju sa januarom 2024. godine, cijena sirove nafte bila je viša za 0,6%. Pored ovog energenta, primjetan je rast cijena prirodnog gasa. U januaru 2025. godine cijena prirodnog gasa (Evropa) bila je viša za 53,4% u odnosu na januar 2024. godine, a u odnosu na decembar 2024. godine bila je viša za 5,8%. S druge strane, indeks hrane na svjetskom tržištu u januaru 2025. godine bio je niži u odnosu na prethodni mjesec 0,3%, dok je u odnosu na januar 2024. godine niži za 3,1%.

Grafikon 8: Kretanje cijena sirove nafte, prirodnog gasa i indeksa hrane na svjetskom tržištu



Izvor: Svjetska banka

U Bosni i Hercegovini u januaru 2025. godine nešto brži rast cijena u poređenju sa 2024. godinom. Inflacija mjerena indeksom potrošačkih cijena je iznosila 3,3% u poređenju sa januarom 2024. godine. Nivo inflacije po entitetima predstavljen je u tabeli ispod. Poređenja radi, prema podacima EUROSTAT-a inflacija u EU 27 u januaru 2025. godine je iznosila 2,8% g/g.

Tabela 10: Indeks potrošačkih cijena (poređenje sa istim periodom prethodne godine)

Period	Bosna i Hercegovina	Federacija Bosne i Hercegovine	Republika Srpska
I-2024	102,0	100,7	103,0
II-2024	102,1	101,1	102,8
III 2024	102,0	100,9	102,7
IV 2024	102,0	101,2	102,5
V 2024	102,0	101,5	102,3
VI 2024	101,6	101,5	101,7
VII 2024	101,8	101,7	101,8
VIII 2024	101,3	101,6	101,1
IX 2024	100,8	101,3	100,4
X 2024	100,9	101,3	100,5
XI 2024	101,5	101,9	101,1
XII 2024	102,2	102,4	101,9
I-XII 2024	101,7	101,4	101,8
I-2025	103,3	103,3	103,2

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

U okviru indeksa potrošačkih cijena najznačajniji doprinos rastu inflacije u Bosni i Hercegovini je zabilježen u odjeljcima hrane i bezalkoholnih pića (6,3% g/g) a zatim ostalih dobara i usluga (3,4% g/g), zdravstva (7% g/g), restorana i hotela (7,1% g/g), alkoholnih pića i duvana (4,3% g/g).

U januaru 2025. godine u odjeljku hrane i bezalkoholnih pića cijene su uvećane za 6,3% g/g uz primjetan rast cijena hrane koja dominantno utiče na ukupnu inflaciju u Bosni i Hercegovini. Pored toga, cijene u odjeljku alkoholnih pića i duvana u januaru 2025. godine su uvećane za 4,3% g/g. Od 1. januara 2025. godine stupila je na snagu Odluka o utvrđivanju specifične i minimalne akcize¹⁸ na cigarete i duvan za 2025. godinu.

U odjeljku stanovanja, vode, električne energije, plina i drugih energenata cijene se nisu značajno mijenjale (0,8% g/g) u januaru 2025. godine pa je i njihov doprinos rastu ukupne inflacije u Bosni i Hercegovini bio zanemariv. Stabilne cijene energenata imale su uticaja na kretanje cijena u odjeljku prevoza. U Bosni i Hercegovini je registrovano smanjenje cijena u odjeljku prevoza od 0,2% g/g. Na taj način cijene u ovom odjeljku nisu imale uticaja na rast inflacije. Slično je odjeljku odjeće i obuće gdje su cijene u januaru 2025. godine bile niže za 8,7% g/g.

Kretanje indeksa potrošačkih cijena po odjeljcima prema namjeni potrošnje predstavljeno je u tabeli ispod.

¹⁸ Upravni odbor Uprave za indirektno oporezivanje donio je Odluku o utvrđivanju specifične i minimalne akcize na cigarete i iznos akcize na duvan za pušenje za 2025. godinu. Minimalna akciza za pakovanje cigareta od 20 komada iznosi 3,58 KM (u 2024. godini je iznosila 3,46 KM), a specifična akciza iznosi 1,65 KM za pakovanje cigareta od 20 komada (ostala je ista u odnosu na 2024. godinu). Akciza na duvan za pušenje utvrđuje se u visini od 80% minimalne akcize na cigarete utvrđene u članu 3. stav (3) ove odluke iznosi 143,20 KM po kilogramu (u 2024. godini je iznosila 138,4 KM po kilogramu). Izvor: Odluka o utvrđivanju specifične i minimalne akcize na cigarete i iznos akcize na duvan za pušenje za 2025. godinu.

Tabela 11: Indeks potrošačkih cijena u Bosni i Hercegovini

Odjeljak	I-XII 2024	I 2025
	I-XII 2023	I-2024
00 Ukupan indeks	101,7	103,3
01 Hrana i bezalkoholna pića	102,1	106,3
02 Alkoholna pića i duvan	104,2	104,3
03 Odjeća i obuća	92,5	91,3
04 Stanovanje, voda, el. energija, plin i dr. energenti	100,1	100,8
05 Namještaj, kućni uređaji i redovno održavanje kuće	101,2	99,6
06 Zdravstvo	103,6	107,0
07 Prevoz	99,2	99,8
08 Komunikacije	101,3	100,3
09 Rekreacija i kultura	103,6	103,4
10 Obrazovanje	101,4	100,5
11 Restorani i hoteli	107,2	107,1
12 Ostala dobra i usluge	105,3	103,4

Izvor: Agencija za statistiku Bosne i Hercegovine

Monetarni sektor

Prema podacima Centralne banke Bosne i Hercegovine (u daljem tekstu CBBiH) ukupna novčana masa (M2) na kraju januara 2025. godine iznosila je oko 38,9 mlrd. KM i uvećana je za 8,8% u odnosu na isti mjesec prethodne godine. Rezervni novac (u daljem tekstu M0) na kraju januara 2025. godine iznosio je oko 15 mlrd. KM što je za 5,5% više u odnosu na isti mjesec prethodne godine. Prosječna stopa obavezne¹⁹ rezerve na kraju januara 2025. godine nije se mijenjala i iznosila je 10%. Na kraju januara 2025. godine bruto devizne rezerve iznosile su 17,3 mlrd. KM i veće su za 8,5% u odnosu na isti mjesec prethodne godine.


Bankarski sektor

Prema podacima CBBiH ukupni plasirani krediti na kraju januara 2025. godine uvećani su za 9,8% u odnosu na isti mjesec prethodne godine i iznosili su 25,8 mlrd. KM. Na kraju januara 2025. godine ukupni depoziti su uvećani za 8,4% u odnosu na isti mjesec prethodne godine i dostigli su oko 33,9 mlrd. KM.

Berze u Bosni i Hercegovini


Promet na sarajevskoj berzi (u daljem tekstu SASE) u mjesecu januaru 2025. god je sa dostignutih 1,9 mil. KM bio 4,3 puta veći u odnosu na isti period u prošloj godini. Ovaj iznos ujedno predstavlja 61,8% ukupnog ostvarenog prometa u Bosni i Hercegovini. U ovom mjesecu na SASE nije bilo javne ponude obveznica i trezorskih zapisa.

¹⁹ Prosječna stopa obavezne rezerve = Prosječne obavezne rezerve/osnovica za obračun obavezne rezerve.

Grafikon 9: Promet na SASE u milionima KM

Izvor: SASE

Promet na Banjalučkoj berzi (u daljem tekstu BLSE) u mjesecu januaru 2025. god. je dostigao 1,2 mil. KM uz negativnu stopu rasta od 90,6% g/g. Ovaj iznos predstavlja 38,2% ostvarenog prometa u Bosni i Hercegovini. U ovom mjesecu na BLSE nije bilo javne emisije obveznica i trezorskih zapisa.

Grafikon 10: Promet na BLSE u milionima KM

Izvor: BLSE

Ukupan promet na SASE i BLSE na kraju mjeseca januara 2024. godine je dostigao 3,1 mil. KM uz negativnu stopu rasta od 76,1%. U ovom mjesecu nije bilo javne ponude obveznica i trezorskih zapisa.

Tabela 12: Ukupna kapitalizacija promet (u KM) na kraju perioda na SASE i BLSE

Godina	SASE	BLSE	UKUPNO
Jan-2023.	5.961.452.092,3	4.683.913.246,4	10.645.365.338,7
Jan-2024.	6.405.585.514,5	5.214.023.727,1	11.619.609.241,5
Jan-2025.	7.696.110.069,5	5.197.809.609,0	12.893.919.678,5

Izvor: SASE i BLSE

Ukupna kapitalizacija na SASE je na kraju mjeseca januara je dostigla 7,7 mlrd. KM uz stopu rasta od 20,1% g/g. Kapitalizacija na BLSE na kraju januara mjeseca 2024. godine je dostigla 5,2 mlrd. KM uz negativnu stopu rasta od 0,3% g/g. Odnos kapitalizacije na SASE prema BLSE na kraju ovog perioda je bio 59,7% prema 40,3%. Ukupna kapitalizacija na (SASE+BLSE) kraju mjeseca januara 2025.god. je dostigla 12,9 mlrd. KM uz stopu rasta od 11,0 % g/g.

Grafikon 11: Kapitalizacija na SASE i BLSE u milijardama KM i stopa rasta u %




Izvor: SASE i BLSE

4. Vanjski sektor

Vanjskotrgovinska robna razmjena

U proteklih nekoliko godina Bosna i Hercegovina je bilježila kontinuirani trend rasta vanjskotrgovinske robne razmjene, što se u pojedinim godinama manifestovalo i dvocifrenim stopama rasta izvoza i uvoza roba. Međutim u 2024. godini ovaj pozitivan trend je zaustavljen obzirom da je ukupna vanjskotrgovinska robna razmjena u Bosni i Hercegovini stagnirala. Tako su glavne karakteristike vanjskotrgovinske robne razmjene u 2024. godine bile, stagnacija ukupnog obima razmjene, smanjenje izvoza roba, povećanje uvoza roba i povećanje vanjskotrgovinskog deficita.²⁰ Prema trenutno raspoloživim podacima o vanjskotrgovinskoj robnoj razmjeni u Bosni i Hercegovini za januar 2025. godine čini se da je došlo do blagog poboljšanja. Naime, nakon dugo vremena u Bosni i Hercegovini je do istovremenog rasta izvoza i uvoza roba, što je rezultiralo povećanjem ukupnog obima vanjskotrgovinske robne razmjene od 7,5% u odnosu na januar prethodne godine. Pregled kretanja vanjskotrgovinskih pokazatelja u Bosni i Hercegovini za januar 2025. godine. Prikazan je na grafikonu ispod.

Grafikon 12: Vanjskotrgovinska robna razmjena u Bosni i Hercegovini za januar 2025. godine (nominalni iznosi i stope rasta g/g)



Izvor: BHAS

²⁰ Agencija za statistiku Bosne i Hercegovine, Saopštenje, „Vanjskotrgovinska robna razmjena u Bosni i Hercegovini za decembar 2024. godine-prethodni podaci“, 20.01.2025. godine.

Prema trenutno raspoloživim podacima BHAS-a za januar 2025. godine izvoz roba iz Bosne i Hercegovine iznosio je 1,2 milijarde KM što predstavlja nominalno povećanje od 44 miliona KM odnosno 3,7% u odnosu na isti mjesec prethodne godine²¹. Ako se izvoz roba iz Bosne i Hercegovine u januar 2025. godine posmatra detaljnije po proizvodima, vidljivo je da su najznačajnija povećanja izvoza roba registrirana u okviru izvoza baznih metala 62% (3,3 p.p), ruda metala gdje je izvoz višesturko uvećan a doprinos rastu ukupnog izvoza iznosio (1 p.p), autokomponenti 22% (1 p.p), proizvoda od papira 26,2% (0,6 p.p) i prehrambenih proizvoda 10,6% (0,6 p.p). S druge strane, tokom januara 2025. godine najznačajnija smanjenja su zabilježena u okviru izvoza koksa 65% (-1,6 p.p), mašina i uređaja 12% (-1,0 p.p), odjeće 18% (-0,9 p.p) i namještaja 11,2% (-0,8 p.p). Ako se izvoz roba iz Bosne i Hercegovine u januaru 2025. godine posmatra po glavnim trgovinskim partnerima vidljivo je da najviše robe izvezeno na tržište zemalja EU u vrijednosti od skoro 907 miliona KM što predstavlja smanjenje od 1,1% u odnosu na isti mjesec prethodne godine. S druge strane, izvoz roba iz Bosne i Hercegovine u zemlje CEFTA-e iznosio je 204 miliona KM što predstavlja povećanja od 15,6%. Ako se robni izvoz iz Bosne i Hercegovine u januaru 2025. godine posmatra po zemljama vidljivo je da su najznačajnija povećanja zabilježena prilikom izvoza u Srbiju 31,3% (2,8 p.p), Hrvatsku 19,4% (2,7%), Austriju 6,1% (0,5 p.p), dok su najznačajnija smanjenja registrirana prilikom izvoza u Njemačku 9% (-1,7 p.p), Italiju 7% (-0,7 p.p), Tursku 12% (-0,4 p.p) i Sloveniju 2,4% (-0,3 p.p).

S druge strane, uvoz roba u Bosnu i Hercegovinu u januaru 2025. godine iznosio je skoro 2,1 milijardu KM što predstavlja nominalni rast od 186 miliona KM odnosno 9,8% u odnosu na isti mjesec prethodne godine. Ovaj nastavak trenda rasta uvoza je veoma značajan u kontekstu kretanja privatne potrošnje i investicija odnosno domaće tražnja u zemlji koja predstavlja glavno uporište ekonomskog rasta u zemlji. Posmatrano po proizvodima, najznačajnija povećanja uvoza su registrirana u okviru uvoza koji je udvostručen i doprinosio je povećanju uvoza od (3,4 p.p), hemijskih proizvoda 19,7% (1,4 p.p), prehrambenih proizvoda 8,1% (0,9 p.p), gotovih metalnih proizvoda 20,4% (0,7 p.p), baznih metala 7,6% (0,7 p.p) i dr. S druge strane, smanjenja su zabilježena prilikom uvoza kamenog uglja 65% (1,9 p.p), sirovog željeza i čelika 18,5% (-0,7 p.p), tekstila 5,4% (-0,1 p.p) i dr.

Ako se uvoz roba u Bosnu i Hercegovinu u januaru 2025. godine posmatra po glavnim trgovinskim partnerima vidljivo je da najviše robe uvezeno sa tržišta zemalja EU u vrijednosti od skoro 1,2 milijarde KM što predstavlja povećanje od 4,3% u odnosu na isti mjesec prethodne godine. Uvoz roba iz zemalja CEFTA-e iznosio je skoro 247 miliona KM što predstavlja povećanje od 24% u odnosu na januar prethodne godine. Ako se robni uvoz u Bosnu i Hercegovinu u januaru 2025. godini posmatra po zemljama vidljivo je da su najznačajnija povećanja istog zabilježena prilikom uvoza iz Hrvatske koji je uvećan za preko 80% uz doprinos rastu ukupnog uvoza roba od (5,4 p.p), zatim Kine 47,1% (3,7 p.p), Srbije 21,6% (1,9 p.p), Austrije 18,3% (0,6 p.p). S druge strane, najznačajnija smanjenja uvoza su registrirana prilikom uvoza iz Italije 12,3%, Njemačke 7,9% (-1,0 p.p) i Slovenije 2,1% (-0,1 p.p).

Ovakva kretanja izvoza i uvoza roba u januar 2025. godine rezultirala su vanjskotrgovinskim deficitom od skoro 880 miliona KM, što predstavlja povećanje 19,4% u odnosu na isti mjesec prethodne godine. Ako se posmatra struktura robnog deficita u Bosni i Hercegovini može se zaključiti da su rafinirani naftni proizvodi, motorna vozila, farmaceutske preparati i prehrambeni proizvodi najviše doprinosili povećanju deficita. S druge strane, namještaj, metalne konstrukcije i obuća su kategorije u okviru kojih Bosna i Hercegovina ostvaruje suficit.

²¹ Agencija za statistiku Bosne i Hercegovine, Saopštenje, „Vanjskotrgovinska robna razmjena u Bosni i Hercegovini za januar 2025. godine“, 20.02.2025. godine.

Ukupna pokrivenost uvoza izvozom u Bosni i Hercegovini u januaru 2025. godini iznosila je 58%, pri čemu je pokrivenost sa zemljama EU iznosila 76,4% a sa zemljama CEFTA-e 82,4%. Detaljniji prikaz vanjskotrgovinske robne razmjene u Bosni i Hercegovini u januaru 2025. godine po HS klasifikaciji prikazan je u tabeli ispod.

Tabela 13: Vanjskotrgovinska robna razmjena u Bosni i Hercegovini u januaru 2025. godine, HS klasifikacija

Izvozi uvoz dobara klasifikovanih prema harmonizovanom sistemu kodova (HS)		IZVOZ				UVOZ				DEFICIT				
		Jan-2024		Jan-2025		2025/2024 promjena %		Jan-2024		Jan-2025		2025/2024 promjena %		Pokrivenost uvoza izvozom
		u mil KM	u mil KM	g/g	p-p	u mil KM	u mil KM	g/g	p-p	u mil KM	u mil KM	g/g	p-p	
UKUPNO		1170	1214	3.8	3.8	1906	2093	9.8	9.8	-736	-879	19.4	19.4	58.0%
1	ŽIVOTINJE I PROIZVODI PROIZVODI	16	16	0.0	0.0	70	71	0.7	0.03	158	185	17.1	-3.67	22.8%
2	BILNOG MASTI I ULJA	14	15	7.7	0.09	79	95	19.6	0.81	277	277	-0.1	0.04	15.9%
3	ŽIVOTINJSKOG PREHRAMBENE	10	15	53.6	0.44	10	22	110.8	0.59	50	36	-27.4	1.85	69.3%
4	PRERAĐEVINE PROIZVODI	34	33	-3.5	-0.10	167	181	8.3	0.73	456	541	18.6	-11.55	18.2%
5	MINERALNOG PROIZVODI	121	126	4.1	0.43	305	337	10.6	1.69	912	985	8.0	-9.92	37.4%
6	HEMIJSKE PLASTICNE	80	94	16.4	1.13	167	186	12.0	1.04	537	591	10.1	-7.33	50.2%
7	MASE, GUMA I	56	61	8.2	0.39	109	121	10.5	0.60	455	426	-6.4	3.94	50.5%
8	KOŽA I KRZNO	6	9	45.8	0.23	17	16	-0.6	-0.01	88	81	-8.0	0.95	52.4%
9	DRVO I PROIZVODI OD CELULOZA,	62	58	-5.7	-0.30	25	26	5.7	0.07	119	113	-5.0	0.80	223.4%
10	PAPIR I KARTON TEKSTIL I	30	37	23.9	0.61	41	40	-2.0	-0.04	141	145	3.0	-0.57	91.8%
11	TEKSTILNI OBUĆA, SESIRI,	71	57	-18.7	-1.13	108	116	7.1	0.40	363	401	10.5	-5.16	49.5%
12	KAPE I SLIČNI PROIZVODI OD	62	55	-11.0	-0.58	26	31	17.6	0.24	98	115	17.3	-2.31	178.2%
13	KAMENA, GIPSA, BISERI,	17	16	-7.7	-0.11	32	37	17.0	0.28	118	126	7.1	-1.14	42.0%
14	PLEMENITI BAZNI METALI I	2	5	108.7	0.21	3	5	57.6	0.10	16	12	-26.4	0.58	92.3%
15	PROIZVODI OD MASINE,	184	210	13.7	2.15	245	268	9.6	1.23	1141	868	-23.9	37.06	78.1%
16	APARATI, TRANSPORTNA	223	219	-1.8	-0.34	285	310	8.8	1.32	778	963	23.8	-25.14	70.7%
17	SREDSTVA I SATOVI, MJERNI,	48	57	19.3	0.79	142	142	-0.2	-0.02	341	428	25.5	-11.82	40.2%
18	MUŽIČKI I ORUŽJE I	9	10	9.8	0.08	28	36	28.2	0.42	90	86	-4.0	0.49	27.7%
19	MUNICIJA, RAZNI	17	21	25.1	0.36	3	2	-30.3	-0.05	4	5	14.0	-0.08	908.7%
20	PROIZVODI UMJETNIČKA	107	100	-6.6	-0.61	42	49	18.5	0.40	144	146	1.2	-0.23	68.7%
21	DJELA,	0	0	0.0	0.00	0	0	0.0	0.00	0	0	0	0.00	0.0%
98	NERAZVRSTANO	0	0	0.0	0.00	0	0	0.0	0.00	0	0	0.0	0.00	0.0%

Izvor: BHAS

5. Strana direktna ulaganja

U vrijeme pisanja informacije nisu bili dostupni podaci o stranim direktnim ulaganjima za oktobar, novembar, decembar 2024. god. i mjesec januar 2025. god.

Prema posljednjim dostupnim podacima od strane CBBiH²² SDU u Bosni i Hercegovini su u prva tri kvartala 2024. god. dostigla 1,5 mlrd. KM i bila veća za 0,3% u odnosu na isti period

²² BPM6_for_users_Q1_2015_Q3_2024_stan, neto finansijska pasiva

u prošloj godini. Ukupne reinvestirane zarade u prva tri kvartala 2024. god. su dostigle 929,6 mil. KM uz stopu rasta od 11,4 % g/g. Time su sa ostvarenim učešćem od 61,9 % u ukupnim SDU bile veće za 6,1 p.p. u odnosu na isti period u prošloj godini.

Tabela 14: Strana direktna ulaganja po kvartalima i ukupno u milionima KM

Godina	K1	K2	K3	K4	K1-K4
2021.	457,4	530,1	373,3	-112,8	1.248,1
2022.	420,6	442,2	396,7	316,0	1.575,4
2023.	499,2	592,9	404,6	375,3	1.872,0
2024.	592,7	394,9	513,9		

Izvor: CBBiH

Dana 2. avgusta 2024. agencije za ocjenu kreditnog rejtinga Standard & Poor's i Moody's Investors Service potvrdile su Bosni i Hercegovini suvereni kreditni rejting „B+ sa stabilnim izgledima“ i „B3 sa stabilnim izgledima“.

Na osnovu člana 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03, 81/06, 94/07 i 24/08), člana 54. stava (1) tačke b) i člana 56. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na _____. sjednici, održanoj _____ godine, donijelo je

ZAKLJUČAK

1. Vijeće ministara Bosne i Hercegovine usvojilo je dokument ***Informacija o kretanju makroekonomskih pokazatelja u Bosni i Hercegovini za januar 2025. godine.***

broj: _____ od _____. godine.

Broj: _____, _____. godina.
S a r a j e v o

M. P. Predsjedavajuća
Vijeća ministara Bosne i Hercegovine

Borjana Krišto

Na temelju članka 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03, 81/06, 94/07 i 24/08), članka 54. stavka (1) točke b) i članka 56. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na _____. sjednici, održanoj _____ godine, donijelo je

ZAKLJUČAK

1. Vijeće ministara Bosne i Hercegovine usvojilo je dokument ***Informacija o kretanju makroekonomskih pokazatelja u Bosni i Hercegovini za siječanj 2025. godine.***

broj: _____ od _____. godine.

Broj: _____, _____. godina.

S a r a j e v o

M. P.

Predsjedateljica
Vijeća ministara Bosne i Hercegovine

Borjana Krišto

На основу члана 17. Закона о Савјету министара Босне и Херцеговине („Службени гласник Босне и Херцеговине“, бр. 30/03, 42/03, 81/06, 94/07 и 24/08), члана 54. става (1) тачке б) и члана 56. Пословника о раду Савјета министара Босне и Херцеговине („Службени гласник БиХ“, број 22/03) Савјет министара Босне и Херцеговине на _____ сједници, одржаној _____ године, донио је
(број сједнице) (датум сједнице)

ЗАКЉУЧАК

1. Савјет министара Босне и Херцеговине усвојио је документ ***Информација о кретању макроекономских показатеља у Босни и Херцеговини за јануар 2025. године.***

број: _____ од _____ године.

Број: _____, _____ година.
С а р а ј е в о

М. П. Предсједавајућа
Савјета министара Босне и Херцеговине

Борјана Кришто